



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Quid sit cognatio legalis, & quot ejus species, & ex qua adoptione oriatur impedimentum hoc dirimens Matrimonij?

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

ut hæreticus Patrinus Catholici Parentis à Catholico Sacerdote baptizatos liberos teneat, cum hic Patrinus non sit idoneus ad instruendam prolem susceptam in vera fide, quod tamen munus per se Patrini est; ad multa tamen incommoda devitanda absolute, ex causa gravi, etiam hoc permitti potest, modò nulla

de instructione fiat promissio, & multum fortasse ad omne scandalum devitandum juvabit, si publice protestetur baptizans, quòd infantem hunc in fide Catholica baptizet, & instruendum fore, in illa fide, nihil in contrarium obstante.

TITVLVS XII.

DE COGNATIONE LEGALI.

Cognatio legalis potissimum oritur ex adoptione, ideo hujus etiam aliqua explicatio hic necessaria videtur.

§. I.

Quid & quomplex sit adoptio?

Adoptio, prout communiter definitur, est extraneæ personæ (quæ non est in potestate adoptantis, aut ex hujus descenditibus) in filium, aut filiam, nepotem, vel deinceps in pronepotem v. g. abnepotem legitima assumptio: requiritur ad eam legitime faciendam iuxta legum constitutiones, ut adoptans sit sui juris, sit masculus (fæminis enim non conceditur jus adoptandi §. *fæmina Inst. de adopti.*) ut sit major 25. annis, ad generandos filios naturales non impotens, & ut major sit 18. annis adoptato, & sic pater illius naturalis ratione ætatis esse possit; ut adoptatus sit præsens adoptanti, cum adoptatur, & in adoptionem consentiat. Duplex autem est adoptio, una perfecta, quæ

etiam arrogatio dicitur, vi cujus in potestatem adoptantis transit adoptatus, & sit necessarius illius ex testamento hæres, ut filius naturalis. Altera imperfecta, simplex & specialis dicitur, per quam non transit adoptatus in adoptantis potestatem, nec sit necessarius illius ex testamento hæres; sicuti autem illa non fit, nisi Principis rescripto, ita hæc etiam ab inferiore Magistratu fieri potest. Vide plura de utraque hac adoptione apud Civilistas.

§. II.

Quid sit cognatio legalis, & quos ejus species, & ex qua adoptione oriatur impedimentum hoc dirimens Matrimonij?

Cognatio legalis, est propinquitas personarum de jure Ecclesiastico approbante jus civile, ex adoptione proveniens. Est autem triplex hujus cognationis legalis species, prima inter adoptantem & adoptatum, & descendentes

R r r r 3

ad.

adoptati, si in illius potestate existant, & hæc est quasi linea recta cognationis hujus legalis. Secunda species est, quasi linea transversa inter adoptatum, & filios, ac nepotes, aliosque descendentes, saltem legitimos, adoptantis. Tertia species est, per modum affinitatis elicujus, inter adoptantem, & uxorem adoptati, & de converso inter adoptatum, & adoptantis uxorem. Sicuti autem certum est, quod oriatur hoc impedimentum dirimens Matrimonij ex adoptione perfecta, ita valde probabile est, quod non oriatur ex imperfecta tantum adoptionis; cum enim simplex hæc, & imperfecta adoptio, in rigore non veniat sub nomine propriæ, & rigide dictæ adoptionis, impedimenta autem matrimonij, velut odiosa, restringenda potius sint quam extendenda, nisi jura aliud jubeant, nullibi autem Jus ad adoptionem imperfectam impedimentum hoc extendat, neque ex hac adoptione imperfecta, ea pericula oriuntur, quæ ex perfecta adoptione, ubi adoptatus cum liberis naturalibus adoptantis cohabitare solet, consequenter non videtur asserendum, quod ex tali imperfecta adoptione hoc dirimens impedimentum oriatur.

§. III.

An omnes tres species cognationis legalis impediant, ac dirimant Matrimonium, & inter quas personas?

Prima species lineæ rectæ ascendentiæ quasi & descendentiæ, inter adoptantem v. g. adoptatum, & adop-

tati filias, nepotes & proneptes, absolute & indistincte dirimit in perpetuum matrimonium; cum hi omnes non nisi sint in potestate adoptantis, ac filii filiarum naturales. Secunda species lineæ transversæ inter naturales adoptantis liberos, & adoptatum, dirimit eodem matrimonium, si inter hos, durante adoptione contrahatur; si vero contrahatur inter hos, postquam vel per mortem adoptantis, vel per emancipationem cessavit adoptio, nihil subistit tale matrimonium, intelligitur ex *c. unico h. t.* Tertia denique species, quæ se habet per modum affinitatis, inter adoptatum & uxorem adoptantis, ex una parte, & inter adoptantem, & uxorem adoptati, ex altera parte, dirimit perpetuum matrimonium inter hos contrahendum, etiam si adoptio per mortem v. g. adoptantis, aut adoptati, vel per emancipationem hujus cessaverit, ita ut nunquam cum uxore adoptantis contrahatur, & possit adoptatus, vel cum uxore adoptati adoptio prout communiter Aa. colligunt ex generali Tituli hujus rubrica. Prohibente scilicet Ecclesiâ matrimonialem hanc conjunctionem in prima & tertia specie reverentiam, perpetuò durantem, quæ ab adoptato, hujus uxore, ac postea adoptantem, in secunda vero specie, prohibente conjunctionem talem Ecclesiâ, ob interpretativam aliquam fraternitatem inter adoptivum, & liberos naturales adoptantis, quæ licet non perpetuò durat, ita nec impedimentum hoc in tali casu perpetuum est.